

**VIJEĆE MINISTARA  
BOSNE I HERCEGOVINE**

Na osnovu člana 8. tačka n), a u vezi sa članom 9. Zakona o radijacijskoj i nuklearnoj sigurnosti u Bosni i Hercegovini ("Službeni glasnik BiH", broj 88/07), člana 3a. Zakona o izmjenama i dopunama Zakona o administrativnim taksama Bosne i Hercegovine ("Službeni glasnik BiH", broj 19/02) i člana 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 76/07, 81/06, 76/07, 81/07, 94/07 i 24/08), na prijedlog Državne regulatorne agencije za radijacijsku i nuklearnu sigurnost, Vijeće ministara Bosne i Hercegovine, na 130. sjednici održanoj 19. augusta 2010. godine, donijelo je

**ODLUKU**

**O IZNOSU TAKSI ZA AUTORIZACIJE KOJE IZDAJE DRŽAVNA REGULATORNA AGENCIJA ZA  
RADIJACIJSKU I NUKLEARNU SIGURNOST**

Član 1.  
(Predmet)

(1) Ovom Odlukom se određuje iznos taksi za izdavanje autorizacija od strane Državne regulatorne agencije za radijacijsku i nuklearnu sigurnost (u daljnjem tekstu: Agencija).

(2) Pod taksama iz stava (1) ovog člana smatraju se i troškovi za ostale usluge koje pruža Agencija u vezi sa izdavanjem autorizacije.

(3) O naplati taksi stara se Agencija, a takse su prihod budžeta institucija Bosne i Hercegovine.

Član 2.  
(Tarifa)

Spisi i radnje za koje se plaćaju takse, kao i iznos taksi, utvrđuju se Tarifom taksi za autorizacije koje izdaje Agencija (u daljnjem tekstu: Tarifa), koja je sastavni dio ove Odluke.

Član 3.  
(Obveznik plaćanja takse)

(1) Obveznik plaćanja takse je lice po čijem je zahtjevu pokrenut postupak ili se vrše radnje predviđene Tarifom.

(2) Obveznik iz stava (1) ovog člana je svako pravno lice koje namjerava obavljati djelatnosti ili posjedovati izvor zračenja i koje podnosi zahtjev za odobrenje Agenciji u skladu sa Zakonom o radijacijskoj i nuklearnoj sigurnosti u Bosni i Hercegovini ("Službeni glasnik BiH", broj 88/07).

Član 4.  
(Nastanak taksene obaveze)

Ako Tarifom nije drugačije propisano, obaveza plaćanja taksi nastaje u trenutku podnošenja zahtjeva za izdavanje autorizacije, odnosno za ostale usluge u trenutku podnošenja zahtjeva za izvršenje tih usluga.

Član 5.  
(Naznaka o plaćanju takse)

U rješenju o izdavanju autorizacije ili u drugoj ispravi za koju je plaćena taksa mora se naznačiti da je taksa plaćena, u kojem iznosu i po kojem tarifnom broju.

Član 6.  
(Valuta plaćanja)

- (1) Taksa se plaća u konvertibilnim markama.
- (2) Pravna lica iz inostranstva plaćaju taksu po instrukciji Agencije.

Član 7.  
(Povrat takse)

- (1) Lice koje je platilo taksu i koje nije bilo dužno platiti ima pravo na povrat novca u visini naplaćene takse.
- (2) Postupak za povrat takse pokreće se po zahtjevu lica iz stava (1) ovog člana.
- (3) Povrat takse vršit će se za uplate iz stava (1) ovog člana koje su učinjene od dana stupanja na snagu ove Odluke.
- (4) Rješenje o povratu takse donosi Agencija.
- (5) Povrat takse vrši Ministarstvo finansija i trezora BiH na teret prihoda budžeta institucija Bosne i Hercegovine, a na osnovu Rješenja iz stava (4) ovog člana koje Agencija po službenoj dužnosti dostavlja Ministarstvu finansija i trezora BiH.

Član 8.  
(Stupanje na snagu)

Ova Odluka stupa na snagu osmog dana od dana objavljivanja u "Službenom glasniku BiH".

---

VM broj 232/10  
19. augusta 2010. godine  
Sarajevo

---

Predsjedavajući  
Vijeća ministara BiH  
Dr. **Nikola [pirić, s. r.**

**TARIFA TAKSI ZA AUTORIZACIJE KOJE IZDAJE DRŽAVNA REGULATORNA  
AGENCIJA ZA RADIJACIJSKU I NUKLEARNU SIGURNOST**

**Tarifni broj 106**

**Licenca za obavljanje djelatnosti**

<b>I. Posjedovanje i korištenje:</b>	
1. Otvorenih izvora zračenja:	
– Dijagnostika u nuklearnoj medicini	1.000 KM
– Dijagnostika i terapija u nuklearnoj medicini	1.500 KM
– Ostale primjene	1.000 KM
2. Zatvorenih radioaktivnih izvora (za jedan izvor):	
– Kategorija 1	1.000 KM
– Kategorija 2 i 3	500 KM
Za svaki dodatni uređaj vrijednost takse se uvećava za:	
– Kategorija 1	500 KM
– Kategorija 2 i 3	250 KM
3. Uređaja koji proizvode zračenje (za jedan uređaj):	
– Kategorija 1	1.000 KM
– Kategorija 2	500 KM
– Kategorija 3	300 KM
Za svaki dodatni uređaj vrijednost takse se uvećava za:	
– Kategorija 1	1.000 KM
– Kategorija 2	300 KM
– Kategorija 3	200 KM
<b>II. Prijevoz radioaktivnih izvora</b>	<b>1.000 KM</b>
<b>III. Uvoz i izvoz radioaktivnih izvora</b>	<b>1.000 KM</b>
<b>IV. Nabavka i distribucija izvora zračenja</b>	<b>1.000 KM</b>
<b>V. Tehnički servisi (po vrsti poslova)</b>	<b>1.000 KM</b>
<b>VI. Proizvodnja izvora zračenja</b>	<b>1.000 KM</b>
<b>VII. Ispuštanje radioaktivnih materijala u okolinu</b>	<b>1.000 KM</b>

**Tarifni broj 107**

**Odobrenja**

<b>I. Prethodna saglasnost za nabavku izvora (za jedan izvor)</b>	<b>100 KM</b>
<b>II. Uvoz radioaktivnih izvora:</b>	

1. Jednokratan	100 KM
2. Višekratan (period do 6 mjeseci)	300 KM
<b>III. Izvoz radioaktivnih izvora:</b>	
1. Jednokratan	100 KM
2. Višekratan (period do 6 mjeseci)	300 KM
<b>IV. Prijevoz radioaktivnih izvora:</b>	
1. Jednokratan	100 KM
2. Višekratan (period do 6 mjeseci)	300 KM
<b>V. Tranzit radioaktivnih i nuklearnih materijala</b>	<b>1.000 KM</b>
<b>VI. Uklanjanje i skladištenje (za jedan izvor):</b>	
1. Gromobrana sa ugrađenim radioaktivnim izotopom	100 KM
2. Jonizacijskih detektora dima	10 KM
3. Korištenih radioaktivnih izvora	100 KM
4. Ostalih radioaktivnih izvora	100 KM
<b>Tarifni broj 108</b>	
<b>Registracija</b>	
<b>Posjedovanje i korištenje izvora zračenja (za jedan izvor)</b>	<b>200 KM</b>
Svaki dodatni izvor se taksira sa	50 KM